

## 125 FR. JURETUS BENEVOLO LECTORI SALUTEM.

Ante annos viginti quatuor Iponis Carnotensis epistolæ e tenebris erutæ in lucem prodierant auspiciis Petri Pithoei jurisconsulti, maximi viri, et propensissimi animi in rem publicam litterariam, cuius singulari beneficio plerasque integriores habueram. Cum autem exemplaria primæ editionis pridem desiderarentur, et de recudendis typographus urgeret, effectum est ut perquisitis atque invicem accurate collatis compluribus vetustioribus membranis, liber redderetur melior et auctior, superior quidem editio laborabat lacunis, plurimumque epistolarum ordo confusus atque præposterus erat, quando posteriores aliquot litteræ Paschali inscriptæ ante vertebant nonnullas quæ ad Urbanum emissæ sunt: cum tamen series temporum palam evincat Urbano successisse Paschalem. Alia ejusdem generis sigillatum commemorare nihil attinet, quæ mutua collatione facile clarescent, quamvis ea parte nondum plane mihi satiscerent: illa vero perturbata series, non sine prisorum codicum ductu mutata et restituta fuit, quemadmodum etiam eorum sive linea et dictiones toto opere interjectæ sunt. Ægre autem ferendum ex tot antiquis membranis nullas hactenus repertas quæ suis numeris undique absolutæ viderentur, aliæ enim plures epistolas complectebantur, aliæ pauciores, easque mendis saepè scantes: præterea dissidebant in ordine, ut inde argumentum elici possit, non fuisse primitus digestas ab ipsomet auctore, sed post ejus obitum a studiosis hinc inde collectas: solum exemplar bibliotheca Regiae distinctum erat in decem libros, quam partitionem ceteri codices minime agnoscent, neque valde necessaria. Adjuverunt operam manuscriptis communicatis multiplici ac recöndita eruditione celeberrimi togati Jac. Augustus Thuauus præses, Ludovicus Servinus advocatus regis in suprema curia, et Nic. Faber: quorum claritudinis nihil addit mea nimis jejuna oratio, nec defuerunt membranæ cœnobiorum S. Victoris et S. Germani, item doctissimorum ornatissimorumque Puteanorum et Car. Labbæ; quidquid autem præstitum est (quod peregrinum esse sentio) si probabitur probis et candidis viris, minus displicebit manum admovisse redintegrando operi Gallici antistitis, ex cujus lectione multa singularia discuntur, quæ a coætaneis scriptoribus non sunt prodita: quare illustrissimus cardinalis Baronius de Ivone merito honorifice loquitur, quem modo « lucernam occidentalis orbis, » modo « ducus et ornamentum ac fulgorem Ecclesiæ Gallicanæ » nuncupat: cujus varias epistolas postremis suis annalibus ecclesiasticis inseruit, e quorum fontibus haec complura observatione scituque digna. Quid enim moramur iniquos rerum æstimatores, qui ob pauculas voces minus Latinas aut elegantes, temere existimant priscos scriptores explodi debere, et ab eorum lectione abstinentium prorsus? quasi vero non sit per voluntandum omne genus auctorum homini qui rerum cognitione delectatur, et mavult mentem quam linguam instruere. Cæterum non licuit hoc observationum libro ea omnia complecti quæ animo conceperam, quoniam intercurrentia negotia litterari studio contraria coegerunt aures alio dividere: satius igitur fuerit alienæ diligentia potiora relinquere. Absit enim ut invidere aut calumniari velim, si quis hæc et similia quæ olim attigimus, redididerit meliora. Argumenta vero in priore editione affixa fronti epistolarum, hic prætermissa volui, de sunt in quibusdam codicibus calamo exaratis, in aliis variant, cum olim uniuscujusque arbitratu componerentur, deinde superflua videntur, quia facilius repeti possunt ex indice rerum ac verborum. Bene vale et his fruere.

## 126 OBSERVATIONES

## AD IVONIS CARNOTENSIS EPISTOLAS.

## AD EPIST. I.

**A Gaufrido quondam episcopo.** Idem Urbanus, epist. 2 ad Richerium, dicit Carnotensem Ecclesiastam multas pro isto Gaufrido molestias sustinuisse, et plures querelas inde fuisse delatas ad apostolicam sedem; quod etiam probatur verbis Gregorii septimi, ubi appellatur Gotfredus, qui in aliis codicibus Galfridus. Verba subjicere operæ pretium est historie illustrandæ causa, ex Regesti lib. v, epist. 17: « Gotfredus Carnotensis episcopus, quia non invitatus et absens judicatus fuerat episcopali officio a nobis restitutus est, hoc quidem tenore, quod causa sua ante legatum nostrum debeat retractari atque diffiniri. » Ejusdem meminit lib. ix, epist. 15 ad H. Diensem episcopum: quæ littera singularis Hugone in ibi significat, ut alii ejusdem Gregorii loci subindicant, itemque Ivo, epist. 274, et Lisiardus in Vita sancti Arnulphi Suessionensis episcopi, cap. 26, qui meminere Hugonis Diensis episcopi et legati Gregorii septimi. Illa igitur epistola 15 dicit Parisiensem episcopum cum Carnotensi episcopo Romam venisse, et clamorem fecisse quod in Carnotensem episcopum

**A** Hugo præjudicium fecisset, et non canonice accusatum excommunicationis ac depositionis sententiæ subdidisset. Demum jubet ut iis interim Romæ exspectare jussis, ipse aut veniam, aut nuntium mittat. Idem epist. 16 ad clericum et populum Carnotensem, ait ipsum Gotfredum episcopum se purgasse Romæ suspicione Simoniacæ pravitatis, dato sacramento super corpus beati Petri. Tum monet proprio pastori obediunt.

Verum mortuo Gregorio, cum postea Gaufridi crimina plane innotuissent apostolicae sedi, et purgare se non valens virginem pastoralem et annulum reddidisset: Urbanus Gregorii successor, quia nullus dissimulandi locus supererat, cumdem depositus ut Iponis scripta probant, qui appellat hunc caprum emissarium, et affirmat damnatum fuisse propter adulteria, perjuria et proditiones per omnem ferme Latinam Ecclesiam publicatas, in epist. 8 ad Richerium. De eodem intelligit quod ait in fine epist. 6 paedagogum ab officio pastoris et nomine procul pulsum, jam non habere unde lac et lanas ovium perditarum diripiat, nisi quod in Northmannia præposituram quamdam Ecclesiæ Carnotensis sibi usurpabat auxilio comitis.